

14-August--2026

आकाशवाणी

खबरां श्रुति खजूरिया कोला

खास-खास खबरां:-

1. राष्ट्रपति द्रौपदी मूरमू होर अज्ज 80में सुतैतरता ध्याड़े दे पूर्व संज्ञा अज्ज राष्ट्र गी सम्बोधित करडन।
2. 1947 च होई दी मुख्य दी बंड दे सरबंथे च अज्ज “विभाजन विभीषिका दिवस” मनाया जा’रदा ऐ।
3. दिल्ली सरकार नै अग्निशमन सेवा च फायर ऑपरेटरें ते जेल विभाग च वार्डन ते मैट्रन दे ओहदे सीधी भर्ती च साबका अग्निवीरें आस्तै 20 आरक्षण गी मंजूरी दिती।
4. उत्तराखंड च चमोली जिले च निर्माणाधीन सुरंग आहली थाहर पर ल्हास-पस्सियां पौने ते पानी दे रिसाव करी 6 लोक मारे गे ते 14 लोक घायल होए।
5. पोलैंड दी इगा स्विघाटेक नै कैनेडियन ओपन टेनिस च महिला एकल दा खिताब जिती लैता।

<><><><><><>

Prez Address

राष्ट्रपति द्रौपदी मूरमू अज्ज 80में सुतैतरता ध्याड़े दी पूर्व संज्ञा अज्ज राष्ट्र गी सम्बोधित करडन। राष्ट्रपति हुंदा एह सम्बोधन संज्ञा 7 बजे आकाशवाणी दे सबनें राष्ट्री चैनलें पर प्रसारत कीता जाहग। एह दूरदर्शन दे बी सबनें चैनलें पर पैहले हिंदी च ते फही अंग्रेजी च संस्करण प्रसारत कीता जाहग। दूरदर्शन पर हिंदी ते अंग्रेजी च सम्बोधन दे प्रसारण दे मगरा एहदा इलाकाई भाशाएं च प्रसारण दूरदर्शन दे क्षेत्रीय चैनलें पर कीता जाहग। आकाशवाणी आसेआ राष्ट्रपति हुंदा सम्बोधन दे इलाकाई भाशाएं च प्रसारण अज्ज रातीं साइडे 9 बजे थमां कीता जाहग।

<><><><><><>

Partition Day

1947 च होई दी मुख्य दी बंड दे सरबंथे च अज्ज “विभाजन विभीषिका स्मृति” दिवस मनाया जा’रदा ऐ। इस मौके पर मुख्य 47 दी बंड दरान अपनी जान मुहाने आहले ते बड़ी मती पीड़ झल्लने आले सबनें लोकें गी श्रद्धांजलि देआ करदा ऐ। राष्ट्री राजधानी सने मुख्य भूरे च अज्ज कैई कार्यक्रमें दा सरिस्ता कीता जा’रदा ऐ। एह ध्याड़ा उनें गी समाज च बंड पुआने आले ज़हर गी खत्म करने ते इक-जुटता ते समाजी सदभाव गी बढ़ावा देने दा चेता दोआंदा ऐ। एहदे शा पैहले कल “विभाजन विभीषिका स्मृति दिवस” दी पूर्व संध्या पर केन्द्री मंत्री गजेन्द्र सिंह शेखावत होरें बंड दी मार झल्लने आले लोकें गी इक कार्यक्रम दे दरान श्रद्धांजलि दिती। उनें आखेआ जे सरकार इतिहास गी चेता रक्खदे होई देसै दी एकता-अखंडता ते समाजी सदभाव गी लगातार मजबूत करने लेई वचनें-बज्झी दी ऐ।

<><><><><><>

Monsoon Session Conclude

संसद दे दौनें सदन दी कारवाई अमनित्थे समें लेई स्थगित करी दिती गई ऐ। पिच्छले म्हीने दी 20 तरीक थमां शुरु होए दा मानसून सत्र कल सम्पन्न होई गेआ। इस दौरान 25 दिनें च 19 बैठकां होइयां। राज्यसभा दे सभापति सी.पी. राधाकृष्णन होरें अपने समापन ब्यानें च सदन दी कारवाई बार-बार वाधित होने पर चिंता जाहिर कीती। उंनें आखेआ जे सदन च सदस्ये आस्तै अपनी गल्ल रक्खने दे सुद्धे मौके हे पर सदस्ये जनता दी आवाज पुटटने आस्तै इनें मौके दा इस्तेमाल नेई कीता। हालांकि उंनें आखेआ जे सदन नै 13 विधेयक पारित ते वापस करिए अपने मूल विधायी जिम्मेदारी गी पूरा कीता ऐ। राधा कृष्णन होरें दस्सेआ जे राज्यसभा दी कारवाई छड़ी 37 घंटे 49 मिन्ट चली जेदे कन्ने सदन च 39 इशारिया इक-7 फीसद कम्म होआ।



Avation

नागरिक उड्डयन मंत्री के. राममोहन नायडू होरें आखेआ जे विपक्ष दे व्यवधान कन्ने संसद दा मानसून सत्र अमित्थे समें लेई स्थगित होई गेआ- जेदे करी विमानन क्षेत्र जनेह महत्वपूर्ण विशे पर विस्तार कन्ने चर्चा नेई होई सकी। इक सोशल मीडिया पोस्ट च नायडू होरें आखेआ जे संसद च नागरिक उड्डयन कन्ने सरबंधित 28 सोआलें दे परते देने लेई ओह उत्सुक हे।



Delhi Metro

कल “स्वतंत्रता दिवस” दे मौके पर दिल्ली मेट्रो दी सेवा सारे टर्मिनल स्टेशन पर बड्डलै 4 बजे थमां शुरु होई जाहग। दिल्ली मेट्रो रेल कारपोरेशन नै दस्सेआ जे एह बवस्था “स्वतंत्रता दिवस” समारोह च औने आहलें खास मेहमान-सद्धे गेदे लोकें ते आम जनता दी सुविधा आस्तै कीती गई ऐ। नियमित सेवा शुरु होने तगर सारे मेट्रो लाइन पर हर 30 मिन्ट दे वक्फे पर चलोग। लाल किला, जामा मस्जिद ते दिल्ली गेट मेट्रो स्टेशन “स्वतंत्रता दिवस समारोह” स्थल दे सब्बनें थमां कोल न।



Delhi-Ex-Agniveer

दिल्ली सरकार नै अग्निशमन सेवा च फायर ऑपरेटर ते जेल विभाग च वार्डर ते मेट्रन दे ओहदे पर सीधी भर्ती च साबका अग्निवीरें आस्तै 20 फीसद आरक्षण गी मंजूरी दिती ऐ। गृह विभाग दे आदेश च मेदवारें दी उमर च छूट दा प्रावधान ऐ। गृह मंत्रालय नै पैहले गै सारे केन्द्रीय सशस्त्र पुलिस बलें ते असम राइफल्स च कांस्टेबल ते राइफलमैन स्तर दे 50 फीसद ओहदे साबका अग्निवीरें आस्तै आरक्षित करी दिते न।



Uttarakhand Landslide

उत्तराखंड च चमोली जिले दे पीपलकोटी क्षेत्र च निर्माणाधीन पन बिजली परियोजना थाहर पर कल ल्हास-पस्सियां पौने ते पानी दे रिसाव करी 6 लोकें दी मौत होई गई ते 14 लोक घायल होए न। शुरुआती जानकारी मूजब सुरंग च 22 मजदूर फसे दे हे, इंदे चा 20 गी बाहर कड्डी लैता गेआ ऐ ते 2 मजदूरें दी तलाश जारी ऐ। घायलें दा नेड़े दे अस्पताल च इलाज जारी ऐ। पुलस, SDRF, CISF ते होर एजेंसियां राहत ते बचाव कम्में च जुटी दियां न। आपदा प्रबंधन ते पुर्नवास विभाग दे सचिव विनोद कुमार सुमन होरें आखेआ जे आपातकालीन संचालन केन्द्रें थमां स्थिति पर लगातार तक्क रक्खी जा'रदी ऐ। तौंआई मुखमंत्री पुष्कर सिंह धामी होरें घटना पर चिंता जाहिर करदे होई सारी एजेंसियें गी राहत ते बचाव अभियान चलाने दे निर्देश दिते न।



NCSC

केन्द्रीय सामाजिक न्यांs ते अधिकारिता मंत्री डाक्टर वीरेन्द्र कुमार अज्ज नमीं दिल्ली च राष्ट्रीय वरिष्ठ नागरिक परिशद दी 5मीं बैठक दी अध्यक्षता करडन। बैठक दौरान वरिष्ठ नागरिकें दे कल्याण कन्नै सरबंधित प्रमुख मुद्दें पर विचार-विमर्श कीता जाग। समाजिक न्यांs ते अधिकारिता मंत्रालय नै आखेआ ऐ जे विचार-विमर्श कन्नै वरिष्ठ नागरिकें आस्तै गरिमापूर्ण सुरक्षित ते खुशहाल जीवन यकीनी करने आस्तै सरकार कम्म करा रदी ऐ।



S. Jaishankar Liberia

विदेशमंत्री डाक्टर एस.जयशंकर ते लाइबेरिया दी विदेश मंत्री सारा बेयसोलोव न्यांती हुंदे बश्कार नमीं दिल्ली च कल दपक्खी बैठक होई। बैठक च भारत ते लाइबेरिया दे सरबंधें दी समीक्षा कीती गई ते बपार- निवेश- राई बाई- सेहत- ऊर्जा- खनन- शिक्षा ते तकनीक जनेह क्षेत्रें च सहयोग बढाने पर चर्चा होई। दौनै मुख्य क्षमता निर्माण ते लोकें बश्कार सम्पर्क गी मजबूत करने पर बी जोर दिता। जयशंकर होरें नमीं दिल्ली च लाइबेरिया दे दूतावास दे उदघाटन पर विदेशमंत्री न्याती गी बढाई दिती। दौनै मंत्रिणं शांति ते विकास गी बढावा देने पर बहुपक्खी मंचें पर सहयोग बढाने ते विकासशील मुख्यें दी आवाज मजबूत करने दी वचनबद्धता जताई।



Canadian Tennis

पोलैंड दी इगा स्वियाटेक नै कैनेडियन ओपन टेनिस च महिला एकल दा खिताब जिती लैता ऐ। टोरंटो च फाइनल च कल 7मीं वरीयता हासल स्वियाटेक नै दुई वरीयता हासल एलेना रायबाकिना गी सीद्दे सेंट च हराया। स्वियाटेक ने 6-2/6-3 दी जित कन्नै इस सीजन दा अपना पैहला खिताब जितेआ। मर्दे दे एकल वर्ग च अमरीकी टेनिस खडारी बेन शेल्टन नै

अपने हमवतन खडारी गी 6-3/7-6 कन्नै हराया। इस जित कन्नै 5मीं वरीयता हासल शैल्टन नै अपने करियर दा दुआ ATP मास्टोज 1000 खिताब अपने नांस कीता।



Weather

मौसम विभाग नै अज्ज छतीसगढ़ च मौलेधार बरखा दा रेड-अलर्ट जारी कीता ऐ। एदे इलावा पच्छिम बंगाल दे गंगा कन्नै लग्गदे इलाकै-हिमाचल प्रदेश- झारखंड- ओडिशा ते उत्तराखंड च बी बरखा दा ऑरेंज अलर्ट जारी कीता गेआ ऐ। विभाग नै तमिनाडू- पुदुचेरी ते कराईकल सनें पूर्वोत्तर भारत च गरज-चमक दे कन्नै मौलेधार बरखा बरने दे इमकान दस्से दे न। जम्मू-कश्मीर- लद्दाख- गिलगित- बाल्टिस्तान- मुज़फ्फरबाद- केरल- माहे- मध्य प्रदेश- सिक्किम ते उप-हिमालयायी पच्छिम बंगाल च बी ऐसे गै हालात बने दे रौहने दे असार न। दिल्ली- पूर्वी राजस्थान- हरियाणा- चंडीगढ़- कोंकण- गोवा- मध्य महाराष्ट्र ते पंजाब च बड़ी मती बरखा बरने दा अनुमान ऐ।



Read by	:	Shruti Khajuria
Stand by	:	Vijay Bajaj
D.E.O.	:	Rajni Devi
Skilled	:	Rajat Paul
Editor	:	Abhilasha Sharma